



4. maj 2026

Inatsisartut Suleriaasianni § 37, imm. 1 naapertorlugu apeqqutit tulliuuttut Naalakkersuisunut apeqqutigaakka:

Apeqqutit:

1. Tusassip Tasiilami atortuisa teknikkkut ajoqutaasa naammassillugit suliarineqarnissaat qulakkeerniarlugu Naalakkersuisut piffissamut qanoq pilersaaruteqarpat?
2. Iluarsaassinerit qaammat ataaseq ingerlasimanerannut sorpiaat patsisaappat, suliallu pilertornerusumik ingerlanneqarnissaanut Naalakkersuisut qanoq iliuseqarpat?
3. Tasiilami innuttaasut piffissami attaviit killilerujussuusimaneranni attaveqannginnermiluunniit attartukkaminnut tamakkiisumik akiliinissaat, Naalakkersuisut naapertuuttutut isigaat?
4. Tasiilami atuisunut kalluarneqartunut Tusassip aningaasatigut taarsiissuteqarnissaa akikillisaaviginninnissaallunniit Naalakkersuisut peqqussutigissavaat?
5. Nunatta kangiani attaveqaatit siunissamut qulakkeerniarlugit, taamaalillunilu pinngortitami pisut siunissami piffissami sivisuumi attaveqaatinik kipisoornermik kinguneqaqqunagit, Naalakkersuisut sunik suliniuteqalersaarpat?
6. Pinngortitami ajunaarnersuarni IT-mik attaveqaatinut pisariaqartunut upalungaarsimanermut pilersaaruteqarpa, taannalu Tasiilami pisumi malinneqarpa?

(Inatsisartunut ilaasortaq Nivi Rosing, Inuit Ataqatigiit)

Tungavilersuut:

Tasiilami sakkortuumik piterarnerata kingorna Tusassip atortui attaveqaataalu ajoquserput. Pisorlu qaammammit ataatsimit sivisunerusumik pitsaanngitsupilussuarnik kipisaqattaartunillu attaveqaateqarnermik kinguneqarpoq. Tasiilami innuttaasut ulluinnarminni attaveqarnermi ilungersunartupilussuarnik nalaataqarput, sulinerminni atuarfimmilu atuarnerminni aalaakkaasumik internetikkut attaveqarnermik pinngitsuuisinnaangilluinnarput.

Innuttaasut sullissinermut neriorsuutigineqartunut pisariaqartinneqartumulluunniit naammassininngilluinnartumik pisariaqartinneqartumilluunniit suli tamakkiisumik akiligassinneqartuarneq annertuumik pakatsissutigaat. Pissutsit qaqugu nalinginnaasunngoqqinnissaata innuttaasullu qanoq ajunngitsorsitinneqarnissaata paasineqarnissaa pisariaqartinneqarpoq.

Apeqqutimma ullut suliffiusut qulit ingerlaneranni akineqarnissaat qinnutigaa